

岑澤遜、陳瑞鈿、鄧政曉、龐業得、敖居賢等卅二人、(其中有二人共擊落一機或一人擊落一機又與他人共擊第一機者)敵機擊落後、其飛航員屍身已由地方政府埋葬有案者計八十一具、按其機種推測、其死亡人數尙應有五六十人、俘虜十一人、已解京者十人、被逃正在尋覓者十人、共計敵死亡人員當在百五十餘名、又據確報、台北敵海軍航空聯隊有敵機六十餘架、自與我作戰後、僅存留十二架、餘皆被我殲滅、其聯隊員海軍航空大佐石井義將、因無面目見人、剖腹自殺云。計敵自上海發難以來、旬月之間、迭次敗衄、精銳師喪失數萬、屢次易將、竭海陸空之全力、迄不得逞、今松井又請撥六師團來援、查日常備軍祇有三十師團、現華北方面已調三分之一、上海方面又調來三分之一、則所餘者尙有三分之一耳、其竭蹶也、不可立而待哉、

●●陳慶雲等表示空軍袍澤決心禦侮

(杭州電)浙黨政各界領袖、日來紛赴航校慰勞空軍將士、據陳慶雲蔣堅忍表示、甚盼全國人民、努力輸將、俾得多購機禦侮、我空軍袍澤、意志堅決、誓不負全國之所期望、又謂、敵軍現在我東南各地擾亂之空軍、除台北木更津隊外、尙有在江浙海面之航空母艦三艘、一爲加賀號、爲敵最大母艦、計載機四十八架、二爲龍驤號、載機四十架、三爲登呂號、載機十六架、敵共有母艦六隻、現已半數開來、已足見其恐慌之一斑、與戰鬥力之如何矣、